

明

史

明史卷三十九

志十三

五行二 火

傳曰棄法律逐功臣以妾爲妻則火不炎上又曰視冬不明是謂不哲厥咎豫厥罰常燠厥極疾時則有草妖時則有羽蟲之孽時則有羊旤時則有目病時則有赤眚赤祥惟水沴火也

五行家凡火燔常燠草異瑞禾羽蟲之孽羊禍赤眚赤祥火異等皆屬之火今從其類

火燔

洪武元年七月丁酉京師火延燒民居及永濟倉三

年二月己巳大河衛火燔軍民居室及廣積庫七月  
乙未寶源局火十二月辛酉大河長淮二衛火甲子  
鳳臺門軍營火延燒民舍及武德衛軍器局四年二  
月壬午京師火十一月癸亥京師大軍倉災五年二  
月癸未臨濠府火壬辰至甲午京師火龍驤鷹揚廣  
武西安天長廣洋六衛軍民廬舍俱焚蕩七月丁卯  
永清衛軍器庫火戊辰仙游縣火十二月丙戌京師  
定遠等衛火焚及軍器局兵仗六年三月乙巳武德  
衛火十二月丁巳龍驤定遠二衛火八年正月羽林  
右衛火十年四月密雲衛火十一年三月遼東火燔

軍士廬舍十三年六月丙寅揚州火焚糧倉十六年  
三月甲辰蘄州火十七年十月丁卯廣西平樂府火  
焚倉廩十二月己未潮州火官廨民居及倉廩兵仗  
圖籍焚蕩無遺二十一年二月戊辰歷代帝王廟火  
出无縣治亦災甲戌天界能仁二寺災二十六年五  
月癸丑廣寧中護衛火二十九年二月辛丑通州火  
傷人燬屋一千九百餘三月戊午瀋陽衛火三十年  
四月甲午廣南衛火延燒城樓及衛治倉庫  
永樂十九年四月庚子奉天華蓋謹身三殿災二十  
年十二月戊寅乾清宮災

宣德三年三月己亥夜東嶽泰山廟火六年八月湖廣民家火延及楚王孟烷後宮諸系勅符俱燼甲辰天津右衛北城外火飛焰入城燒民居并倉廩九年二月庚午北京城東南樓災

正統二年二月西鎮吳山廟火八月京城鳴玉坊草場火焚葉聚三年八月辛酉順天府試士火作於貢闈席舍多焚改期再試以本月十五日爲始十二月乙亥韓府承運殿災三月戊午代府寢殿火四年五月庚寅通濟草場火七月壬寅中都大龍興寺火六年正月庚申安東倉火十一月安定門火十二月癸

巡南京常寧公主府火七年正月廣昌縣站木厰火  
焚松木八千八百餘株二月癸卯福州府常盈倉火  
戊午燔南京內府廨房六十餘間所貯圖籍器用守  
衛未甲皆爲之空三月辛未山西趙城縣媯皇寢廟  
災本年南京殿宇災十年正月忠義前後二衛並災  
是時太倉屢火遣尚書王佐侍郎姜濤祭火龍及太  
歲以禳之五月甲申忠義後衛倉復火七月己卯順  
天南右渠草場火癸巳通州右衛倉火十一月丁酉  
永焚御花房十一年秋武昌火延燒官民廬舍死者  
數百人半月方熄十二月乙未周府災十二年六月

南京山川壇災殿廡俱燬十三年二月癸酉忠義前  
衛營火十四年六月丙辰夜南京謹身奉天華蓋三  
殿災雷火之也

崇泰二年六月丙子青州廢齊府災三年八月戊寅  
秦王府火四年承天門災五年春南京火延燒數千  
餘家六年閏六月乙卯西城坊草廠火七年九月壬  
申寧年府火延燒軍民八百餘家

天順元年七月丙寅夜承天門災二年五月戊子器  
並殿火六月辛未良鄉草場災三年九月庚寅肅州  
城中火延燒五千四百餘家死者六十餘人四年六

月癸丑大雷火燒燬薊州倉廩八月己巳光祿寺大  
烹內門火是歲楚府頻火宮殿家廟悉燬五年三月  
丁卯南京朝天宮災四月蔚州衛草場火六年二月  
蘇州火六月癸未楚府火七年正月丁酉南京西安  
門水廠火延燒皇城二月戊辰會試火作於貢院舉  
子焚死者九十餘人四月己卯京城南薰坊火

成化三年九月癸未南京御用監火三年二月江西  
紙廠火六年十一月己亥江浦縣火燬軍民二百六  
廿餘家八年六月應天府庫房火九年三月乙巳黃  
花鎮西水塔等處野火延燒山林逼近陵寢天壽山



守備太監以聞命官軍往救七月東直門災十一年  
四月壬辰夜乾清宮門災十三年閏二月遼東都司  
太草場火焚藁聚十四年三月己卯南京西華廠火  
未十月壬辰太倉米麥積蓄歲久蒸浥自焚至百餘  
石十七年三月丁酉代州草場火十八年八月丙午  
涪州火焚官民居一千五百餘區乙卯楚府又火凡  
三發至二十九日止十一月戊午夜南京國子監火  
十二月乙卯器皿廠火壬辰晉府寧河王府火先是  
有妖夜見王府或爲神像爲王侯索酒肉時舉火作  
欲焚之狀是夜果燔府第無遺冠服器用皆蕩盡妖

亦隨絕計九年正月丙辰宣府趙州堡草場火二十  
年正月茂茂欽天監火二月丁丑山西陽和等衛草  
場火二十一年南京金川門草場火二十二年六月  
臨海縣災延燒軍民房舍一千七百餘區

烈治元年三月庚寅南京內花園火十月丙辰工部  
酌作房火十一月丁丑夜南京甲子庫災二年四月  
遼東南京神樂觀火四年二月戊午禮部官舍火是  
時北京多火災踰旬不息六年四月甲寅刑部官舍  
火辛酉夜南京舊內災七年三月己亥野火燒唐帽  
山徑人馬多死傷六月己未錦州野火起於溝廠撲

火不滅延入營內官軍死傷數十人甲冑弓矢同時  
並然七月丙辰福州府雷火焚城樓八年三月戊子  
鎮東等堡火星飛躍太如斗燬公館倉廩人馬多斃  
東寧衛官民廨宇亦同日災四月辛巳遣劉大夏等  
祭河天氣陰晦帛不然久之欲焚不焚之處宛如人  
面每目石鼻皆具十年三月神樂觀火十一年六月  
貴州大火燬官民房舍千八百餘所男婦死傷者六  
千餘人十月甲戌夜清寧宮災十二年六月甲辰夜  
廟里聖廟災九月丁丑江西寧都縣火十二月福建  
建陽書院火古本書板皆燼十三年二月乙酉禮部

官營火十四年四月初九日鎮尼堡火死傷甚衆糧  
薪器械燔燬無餘丁未四川應州教場旗竿自火沃  
之不滅五月戊辰南京雷火焚藁聚七月甲寅南城  
縣監中有火作分作合流光下墜長十餘丈隱隱有  
聲鼓軍民盧舍庚申永寧衛雁尾山至居庸關之石  
縫山東西四十餘里南北七十餘里延燒七晝夜福  
建將樂縣亦同日火閏七月辛巳福建府城樓燬八  
月己未藩府火十一月庚辰寧河王府火十五年四  
月己未鎮安鎮尼等堡同時有火起於城臺之桅杆  
七月乙酉雲南順寧府府治火及民廬十六年正二

月雲南西靖火三月庚午遼東鐵嶺衛陞火大如斗  
丙子火起燒房屋二千五百六十餘間男婦死者百  
餘人四月戊午寬河衛倉災燬米豆四萬餘石六月  
壬子海東山墩有火飛如龍起自旗竿墩卒焚死九  
月戊寅廣寧衛城火燔三百餘家十月辛丑古城堡  
火焚官軍房屋十七年正月癸亥南昌新淦二縣火  
延燒甚多四月丁巳淮安府火焚五百餘家五月癸  
巳正陽門內西廊火燔武功坊六月甲戌延安府巨  
積倉火

辛德元年二月鄖陽火燬譙樓及官舍延燒百餘家

九月宣府風火交作傷人及畜是歲寧夏左屯衛災  
先有紅氣旦天既而火作城樓臺堡焚燒蕩盡二年  
四月西城坊草場火七月壬戌甌寧縣災三年二月  
己丑平魯衛草場災五月壬子赤水衛火六月又火  
庚寅大同平魯城災燔藁聚百萬餘八月南京火燔  
居民數百家十一月己亥臨海縣治火延燒民舍數  
番區六年四月光化縣大火民居存者無幾十一月  
汪西永平關火燔六百餘家七年正月汝州火三月  
應縣縣有火如斗自空而墮大風隨之燬官民房  
并餘園火逸城外延及丘木庚申成山衛秦皇廟火

屋宇悉燬像設如故是月文登縣火起桑樹樹燔而  
枝葉無損五月癸酉遼東懿路城是日至閏五月丙  
子火三作官民廬舍被焚者半九月壬午玉山縣火  
燔學舍及民居半有餘家八年六月壬戌豐城縣火  
自是月至於七月二日乃息燔二萬餘家先一夕縣  
城西南連燬火星有赤光如盆如斗七月戊子火隕  
於龍泉縣焚蕩四千餘家九月癸酉洛陽縣火十月  
壬寅饒州府及永豐浮梁二縣火各燔五百餘家浮  
梁學舍亦災甲辰浦城縣火庚申臨江府火燔官舍  
延及八百餘家九年正月癸酉洵陽縣火丙子西鄉

縣有星隕空火隨發人畜並傷庚辰乾清宮火通夕  
達曉光爛照天帝猶徃豹房回顧火光戲謂左右曰  
是好一棚大煙火也十一年八月黔陽火燬城樓官  
廨延及七百餘家十二年正月甲辰濟寧宮小房火  
四月裕陵神宮監燬於火八月丁卯南昌縣火燬三  
百家九月壬午建安縣火燬二百五十餘家戊戌建  
安復火永安亦同日災十三年二月己卯辰陵州火  
燬七百餘家八月庚辰獻陵明樓災丁酉延平府火  
燬五百餘家十四年四月乙巳淮安府新城火七月  
鹽井衛大雨震雷西門城樓災奉寧縣火燬五千餘



家十五年正月丁未星隕山龍舟谷巡檢司廳事少  
頃火作悉燬二月丙戌雷災金山衛城樓及華亭縣  
學魁星堂五月辛卯靜樂縣火燔八百餘家

嘉靖元年正月己未清寧宮後三小宮災楊廷和疏  
言廢禮之應不報二月己丑南京針線廠火己亥通  
州城樓火二年五月丙子榮王府火九月戊辰秦府  
宮殿火是年南京內府火延燒國學號房百餘間四  
年三月壬午夜仁壽宮災玉德安喜景福等殿俱燼  
五年三月乙酉趙王家廟火六年三月丁亥西庫火  
八年十月癸未乾清宮內災十年正月辛亥大內東

偏火四月庚辰兵部工部公廨並災燬文籍五月庚寅壩上東馬房草場火十三年六月甲子南京太廟火前後殿及東西廡神厨庫俱燬十五年四月癸卯山西平魯衛火盡燬神機官庫大軍器十八年二月乙丑趙州及臨洺鎮行宮俱火丁卯駕幸磁州夜四更行宮火錦衣衛指揮陸炳負帝出御乘輿後宮及內侍有殞於火者法物寶玉蕩爲灰燼六月丁酉燔皇城北鼓樓二十年四月辛酉夜宗廟災成廟仁廟二主燬焉太廟羣廟一時俱燼惟睿廟獨存二十二  
年四月丁亥鐵嶺衛火燔廬舍人畜先是有火星如

斗墜於地十二月甲申大同演武廳火二十三年正月丁卯京州衛大火十二月乙丑寧夏後衛火二十四年八月癸巳臺基廠草場火戊申南京金川門外草場火癸亥大壩馬房草場火乙丑繁峙縣砂澗驛草場火二十五年五月壬申廬甲廠火二十六年十一月宮中火三十年三月戊戌懷柔縣草場火四月己卯浮圖峪草廠火三十一年八月乙丑南京試院火三十三年九月癸丑昌平白羊口草場火三十四年十二月甲寅外馬房草場火三十五年三月戊辰營口馬房火九月戊辰杭州府大火延燒數千家王

十六年四月丙申晡時大雷雨至戌刻火驟發奉天  
華蓋謹身三殿文武二樓午門奉天門俱災翌日火  
始熄三十七年正月光祿寺災三十八年正月癸未  
前軍都督府火四十年十一月辛亥夜萬壽宮災四  
十四年三月乙亥夜大明門內西千步廊火四十五  
年江西鐵樹宮忽有緋衣人乘雲而下坐於宮之上  
如是者數日又數日火無故自發宮爲燼

隆慶二年正月浙江省城外災焚煨室廬舟艦以千  
計四月承運庫火累朝寶器皆燼五年二月壬子南  
宮廣積廣惠二倉火六年遼東鐵嶺等八城火煨官

舍三千七百餘

萬曆元年十一月己亥慈寧宮後舍火四年正月丙辰薊州大安口草場火延燒草束以萬計三年四月甲戌工部後厰火五年七月己丑梧州府火焚廬舍甚衆十月丙申禁中火八年三月癸丑鎮武堡火焚倉廩甲仗民居八月甲寅東勝堡火延燒更甚十年三月癸酉保定浮圖峪災十一月癸未宗人府災十二月保定府火十一年十二月庚午夜慈寧宮災十二年二月己酉無逸殿災十二月癸卯朔無逸殿又災十五年五月甲子司設監火十六年正月癸丑草

場災五月二十三日大運倉火十七年正月丙子密  
雲草場火十八年三月辛酉遼東寨山兒堡火狂風  
大作焚燬城堡器械傷九十餘人十九年二月牛房  
草場災閏三月丁亥遼東鎮西堡災十二月甲辰萬  
法寶殿災二十一年五月初七日薊州震災六月十  
五日太倉公署後樓內忽有砲聲所貯火藥器械俱  
燼二十二年五月壬寅天隕火燔鐵嶺衛千餘家六  
月大雷雨如注西華門樓災七月有星墜渤海所南  
門樓上火隨發樓燼二十四年二月甲寅潞王府門  
火三月乙亥火發坤寧宮延及乾清宮一時俱燼五

月丙戌定海衛鎮遠樓災軍器殿十月壬辰象房倉  
火是年東昌鐵嶺二處火災二十五年二月壬午杭  
州府火燒官民房一千三百餘間丙戌馬湖府屏山  
縣災燔八百餘家三月癸卯泗州大火燒民房四千  
餘盱眙同時亦火燔百餘家六月戊寅三殿災火起  
歸極門延皇極等殿文昭武成二閣周遭廊房一時  
俱燼二十六年正月漳州府火藥局災七月清涼門  
草場火十月薊州喜峰一路天大風雪俄而西北樓  
角大聲振地黑燄蔽天即時旗竿剖折本樓火藥火箭  
俱焚十二月甲寅吏部文選郎署火二十七年四月

慶雲鎮遠等衛客堡同日火十一月壬申內府火延  
燒尚寶司印綬監工部廊至銀作局山牆而止二十  
八年正月楚地火三月南陽府火延燒唐王宮二十  
九年正月己巳鉄嶺衛火焚宇傷人一時車輛火藥  
俱盡二月壬辰保定火五月甲辰御苑龍舟災舟新  
成泊於金海亭亭午火立燼八月己卯大光明東配  
殿災三十年二月乙酉魏國公賜第火十月丙申孝  
陵災十二月庚子南海普陀山寺災帝藏經處也三  
十一年二月丙戌遼東大福堡火燔房屋軍器無算  
九月戊寅通州漕艘火十月戊子山西大木廠災三



十三年二月乙丑御馬監火五月辛巳洗白殿火燔  
官房九月甲申昭和殿火丙申京師官軍於盛甲殿  
關領火藥藥以年久凝結如石工匠用斧劈之火突  
發聲若震霆刀鎗火箭迸射百步之外軍民死傷者  
不可計數十一月丁卯火刑部提牢廳三十五年二  
月乙卯易州神器庫火四月丁酉通州西倉火十月  
己卯南京行人司署殿三十七年正月庚子慶王府  
火燔寢宮及帑藏三月丙戌武昌火自草埠門外延  
及居民越二日又大共燔二百六十餘家六月慶王  
府災十月戊午朝日壇火三十八年四月丁丑夜正

陽門箭樓忽火翌日乃熄三十九年四月戊子怡神  
殿災四十一年蜀府災門殿爲燼四十三年四月壬  
午黃花鎮柳溝火延燒數十里旬日方滅癸未萊州  
夜掖縣海神廟火甲午蜀府殿庭災遼東長寧堡自  
二月至五月火颶連起者五燒燬房屋人畜無算閏  
八月辛亥通州糧艘火九月丁丑湖口稅廨燬於火  
四十四年十一月己巳隆慶殿災丁亥南城延喜宮  
災四十五年正月壬午東朝房火延及公生門盡爲  
灰燼四十六年閏四月丁丑夜開原殷家莊堡各臺  
共桅杆八同時燼甲申煖閣廠膳房火九月壬子天

壽山茂陵火十月梧州火官舍民居多燬四十七年  
四月乙卯壩上倉災癸酉益甲廠火四十八年三月  
癸巳明智草場火

泰昌元年十月丁卯熾鸞宮災

天啓元年二月乙丑安仁草場火閏二月丙戌昭和  
殿災三月甲辰杭州大火一日夜始熄延燒六千一  
百餘家七月戊子杭州復災城內外延燬萬餘家二  
年五月丙申旗纛廟正殿災火藥盡焚匠役多死者  
三年七月辛卯南京大內左旁宮災六年五月戊申  
王恭廠災是時地中霹靂聲不絕火藥自焚烟塵障

空木之拔者根在上而梢在下屋之仆者木在上而瓦在下白晝晦冥凡四五里五月癸亥朝天宮災閏六月壬戌中府草場災雷火之也七月庚寅登州城樓火七年十月庚子寧遠前屯火燬民居六千餘傷男婦二百餘人火藥器械焚蕩

崇禎元年二月丙辰北新草廠火四月乙卯左軍都督府災五月乙亥尚膳監鷹坊司火丁亥丁字庫火火從積麻中出燬屋七月庚申南京刑部署門及廊廡火己卯公安縣焚五千餘家文廟亦燼二年十一月庚子火藥局災三年三月戊戌京師火藥局災八

月癸酉頭道關災火箭火砲轟擊無餘監督侍郎侯  
恂總兵官尤世威頭面爲焦鬚髮盡燎五年六月壬  
午西城北新草場及朝天日中坊草場俱火六年正  
月癸丑濟南火延燬甚衆次日舜廟亦災六月甲子  
湘潭縣火七年九月庚申盈甲廩災八年正月丙寅  
流寇焚鳳陽皇陵享殿及松樹三十萬株十一月庚  
申冬至帝以寇旣再行南郊先一日駕幸齋宮內瑞  
熾炭於地室焦灼茵蓐火遂作御座乃文皇時蟠龍  
椅也亦焚十一年八月丁酉火藥局災延燒草場十  
三年三月庚申渭城火十六年十二月壬申濟寧火

恒嶼

洪熙元年正月癸未以京師過冬不雪詔諭羣臣修省

宣德元年冬樂安陽信商河海豐樂陵滋陽汶上七縣俱無雪

正統九年冬畿內外無雪不至地十二年陝西亦然  
景泰六年冬無雪

天順元年冬帝於宮中祈雪勿應是年直隸山西河南山東亦不雨雪二年冬京師望雪不得命百官致禱河間濟南諸郡亦以無雪告六年冬直隸山東河

南共府十衛二皆無雪

成化元年冬無雪五年冬煥常如夏時不雨雪六年  
二月壬申帝以自冬徂春雨雪不降親率羣臣詣山  
川壇請禱十二月冬又無雪十年二月南京及山東  
各奏冬春恒煥無冰亦無雪十一年冬以無雪而禱  
卒不得十五年冬順天直隸山東河南山西並不見  
雪十九年冬京師不雨雪直隸六府亦如之  
弘治九年冬恒煥無雪十五年冬無雪十八年冬溫  
如春歷久無雪

正德元年冬無雪二年永嘉縣自去冬至春桃李實

二麥穗三年冬無雪六年至九年連歲無雪十一年冬亦如之

嘉靖元年十一月庚戌命順天府致齋祈雪八年十一月辛丑帝躬出禱雪引爲已愆諭羣臣不必陪從十四年冬深無雪遣尚書夏言等徧祭諸神十九年冬無雪二十年十二月癸卯禱雪於神祇壇二十四年十二月甲午命諸臣分告宮廟以祈雪也三十二年冬無雪三十三年十二月壬申以禱雪之日爲始各官皆青衣辦事三十六年冬無雪三十七年十一月丙戌帝親祈雪於洪應雷宮至丁酉始雪羣臣上



表賀三十九年冬無雪四十年亦如之帝將躬禱會  
大風曰禱雪兼禳風變其巫行之四十一年至四十  
五年言冬無雪者殆無虛歲

隆慶元年冬旱無雪四年冬無雪

萬曆四年十二月己丑命禮部祈雪十六年十七年  
二十九年三十七年四十七年亦如之

崇禎五年十二月癸酉命順天府祈雪六年七年冬  
無雪

草異

永樂五年夏嘉瓜生於向容雙實同蒂十六年正月

乙丑陝西同州及澄城郃陽朝邑三縣雨穀及蕎麥  
二十一年四月丁卯萬壽節太嶽太和山石產靈芝  
八月禮部左侍郎胡濩進柳梅靈芝

洪熙元年正月南京龍山產靈芝蕃大特異禮部請  
賀不許

正統五年七月戊辰慶王獻並蒂瓜八年七月慶衛  
屯田內生同蒂瓜八實十一月殿上生荆棘高二尺  
十四年廣州獄中竹床踰年忽青色生葉

成化元年二月天雨黑黍於襄陽六年二月戊寅湖  
廣應山縣雨粟

弘治元年七月湖廣零陵縣學產靈芝八年二月枯  
竹開花實如麥米苦蕒菜開蓮花六月甲子縣雨  
黑白豆味不可食九年黃州民家園內產一瓜大如  
斗剖之瓤漿皆赤血

嘉靖十年曲周縣產嘉瓜並蒂者二瓜中更生枝蔓  
者一縣丞侯廷訓繪圖以進禮部以爲本支繁衍之  
兆三十五年八月宛平縣民獻芝五本三十六年三  
月丁卯宛平縣民張道等進靈芝冬十月元嶽諸山  
獻仙芝一千四百十本河南獻二十三本南畿獻三  
十本三十七年正月庚申鄆縣民王金獻芝山一座

聚芝百八十一本內有獨本尺八寸者數本名僞應  
萬年芝山二月丙午四川巡撫黃光昇進芝四十九  
本三十九年八月戊戌督臣胡宗憲獻芝草五帝悅  
名曰仙芝十二月戊午陝西撫按官各獻芝草四十  
一年二月庚辰錦衣衛指揮僉事嚴鵠獻靈芝六十  
四本四月癸酉鄠縣王金又進靈芝四十三年兩廣  
都御史進鮮芝三十三本四十四年六月甲戌睿宗  
原廟前東柱產金芝

隆慶二年天雨黑豆

萬曆二年內閣生嘉蓮十四年七月庚子慈寧宮產

瑞蓮四十三年四月戊寅湖廣石首縣雨豆大小不一色雜紅黑

崇禎四年五月河南草生人馬形如被甲持矛馳驅者然衆以爲不祥六年崇仁宜黃樂安三縣天雨黑粟如麴麥民食之可數月不饑七年黃梅縣雨黑子如粟孟縣民孫光顯祖墓有葡萄草夏抽新條條列萬狀或爲美人爲達官爲鳳龍龜麟魚蛇孔雀鸚鵡道臣曹應秋採得美人三鳳一鸚鵡一美人黃衣白裳面施粉黛鳳苞羽五采鸚鵡棲於架架有蓋蓋中有粒點染生動繪畫不及述其連陌王氏黨氏瑩所

產皆同十三年徐州種白麥自生悉成人面眉目宛然此草妖也

### 禾麥

洪武二年四月癸巳淮安等郡獻瑞麥十有二本三年五月丁巳寶雞縣進瑞麥一莖五穗者一本三穗者一本二穗者十有餘本帝謂廷臣曰時和歲豐家給人足風俗淳美乃爲瑞世若此麥特一物之祥非天下之瑞也六年六月壬午盱眙縣民進瑞麥一莖二穗者十六本二十五年十二月丁未山丹衛進瑞麥二十七

年十二月己巳洛陽民進瑞粟二十八年

大同城北及永清左衛龍門東屯嘉禾生二十九年  
九月陽曲等縣產嘉禾三十年九月丁巳晉王桐代  
王桂各進嘉禾凡一百四十八本

永樂元年九月己卯大興縣進嘉禾十二月甘州山  
丹二衛獻瑞麥肅州衛獻嘉禾二年七月丁未周王  
橚進嘉禾三年七月戊戌興平鳳翔二縣貢瑞麥三  
十本七年七月辛卯密雲縣民獻嘉禾八月甲子繁  
峙縣獻嘉禾凡二百七十九本十年七月己酉平陽  
縣獻嘉禾百六十四本十月丁丑繁峙縣進嘉禾五  
百八十本十二年九月辛巳孟縣獻嘉禾十三年八

月丙寅永寧縣進嘉禾五本辛卯保安衛進嘉  
穀九十四本有一莖三穗五穗至七穗者十五年八  
月戊申廣寧衛進嘉禾十七年九月己酉西安府進  
嘉禾有一莖生八九穗至十四五穗者

洪熙元年八月魯王進瑞粟有一莖十穗或十五穗  
者山西榮河縣民進嘉禾一莖三穗五穗至十穗者  
宣德元年十月崇慶州進瑞麥五年七月太廟側產  
嘉禾有一莖四五穗至六七穗者不可勝計是時茂  
州亦進瑞麥八年閏八月慶王薨進嘉禾瑞麥十年  
九月龍州獻瑞麥



正統五年七月戊辰慶王獻兩岐麥七年九月西安府并耀州產嘉禾每莖有三穗四五穗至數十穗者凡三百餘本八年七月慶衛屯田麥秀兩岐共十莖盧龍縣粟穀一莖五穗龍爪穀一莖有至十三四穗者十二年解州獻秋粟或二穗或五穗

景泰六年三月鶴慶府進瑞麥

天順元年六月己亥定遠縣遣人獻瑞麥一本兩岐六月庚戌徽州獻瑞麥休寧大麥一莖四穗者一本兩穗者五十三本歙縣大麥一莖三穗者一本兩穗者一十四本小麥一莖兩穗者三本二年五月甲寅

鄧州獻瑞麥一莖七穗者九四穗者十三  
三穗者二十一二穗者二十八三年九月濟源縣進  
瑞麥一本二穗三四五穗者百餘八年八月丙申景  
州獻嘉禾

弘治元年六月庚子蕭縣進瑞麥十三本有莖一四  
穗兩穗者

嘉靖八年樂至縣產麥一莖五穗八月戶部侍郎劉  
體乾獻瑞禾三穗者四本二穗者九十六本九年懷  
慶府府中並產瑞麥瑞禾十一年二月蘄水縣生嘉  
禾三十餘莖多者至一穗九岐十八年六月丁未永

城縣進瑞麥一莖七穗者二本二十二年八月丙子  
泰安州進瑞麥嘉禾二十三年八月壬申內苑嘉禾  
生一莖雙穗凡六十有四零壇靈黍五出者一二十  
四年八月己亥京山縣產嘉禾一莖三穗者六十餘  
本二十七年七月庚子西苑奏登嘉穀雙穗七十餘  
本三十一年八月甲寅廬江王獻瑞穀三十三年六  
月丁未西苑產嘉穀三穗雙穗者百十有五本又鄭  
府盟津王子祐檣獻嘉穀雙穗者七十八本三十五  
年七月辛未西苑進一莖雙穗瑞穀九十五本三十  
七年七月庚辰西苑進瑞穀一本三穗者一雙穗者

五十五四十年七月癸卯田獻祥禾四十九本四  
十一年七月癸卯苑田產嘉禾一莖三穗者二雙穗  
者三十一四十二年八月壬子苑田獻嘉禾一莖雙  
穗者八十一本三穗者六本四穗者一本四十四年  
八月丙寅西苑刈穀得嘉禾二穗至四穗者共九十  
七本四十五年八月丁丑西苑獻瑞穀九十九本

羽孽

辛丑八月庚寅太祖舟師伐陳溯流而上有鳥數萬  
夾艦而飛洪武四年八月癸巳淳泥國進孔雀九月  
三佛齊國貢火雞孔雀五色鸚鵡十一年元旦早朝

有鵠鵠自天而墮死於丹墀見者異之

建文元年三月己未燕王發兵告於天時有五色神  
爵飛駐旂杆之首

永樂元年九月庚辰瓜哇西國遣使朝賀貢五色鸚  
鵡及孔雀十六年五月乙卯瓜哇國獻白鸚鵡

正統三年十月榜葛刺國遣使貢紅白二色鸚鵡及  
白鳩十一年三月瓜哇國貢白鸚鵡火鷄各一十二  
年七月瓜哇國貢紅綠白三色鸚鵡

景泰四年五月辛未瓜哇國貢火鷄紅鸚鵡各一

弘治十四年二月保定府獻白鵠

嘉靖十年七月辛巳鄭年貢白鵲二告之宗廟上之  
兩宮傳示百僚羣臣作頌賦以獻四十一年湖廣撫  
臣徐南金獻白鵲

萬曆二年翰林院產白燕十二年廣濟龍江鎮民家  
有鴨忽大聲呼云算帳殺而烹之大如鷺二十五年  
二月壬午岳州民間有鴨舍絮裹火飛上屋入竹椽  
茅茨中火四起癸未大熾至來月乙未方熄延燒數  
百餘家四十三年四月壬午雙鶴啣火飛集掖縣之  
海廟大殿明日廟火皆羽孽也

崇禎六年十月汝寧有鳥鳩身猴足是時鳳陽出惡

鳥數萬兔頭鷄身鼠足人取供饌甚肥但犯其骨立死

### 羊禍

萬曆三十八年四月丁丑崞縣民家羊產羔一首二眼四耳身若兩半分二尾八足四十八年雲南省城產羊妖

### 赤青赤祥

永樂二十年六月丙申車駕次祥雲屯有紫氣如蓋見營南久而不散二十一年四月丁卯萬壽節太嶽太和山頂之金殿五色光晃

宣德二年十月戊寅有紅雲先日出至東濁西南行  
正統十四年八月車駕北狩渡宣府河也先帳下謀  
加害夜半見赤光覆帝寢幄且雷震死也先所乘良  
馬謀遂寢

景泰元年三月戊辰雲生西方其色黃赤有數十道  
頃之散漫如火光照地六月己酉日生背氣色青迨  
晡時赤雲見如阡陌耕隴之形五月丁未赤雲如火  
見於東方

天順元年三月癸酉日晡西北有雲如赭二年九月  
辛丑南京日入後西方有赤氣光如火影向暮乃散



十月己巳南京西南方有赤氣光明燭地十二月甲子夜赤氣見於正北濶餘二尺直衝天中約餘五十丈其形上銳狀如立鎗三年十二月甲戌夜赤氣見於南方五年十月乙亥昏刻正西赤雲見長三丈餘濶倍之去地三丈

成化八年十二月癸酉夜西南有赤氣形如鎗名曰天鋒九年三月癸未濟南等府有雷聲起東南已而紅光燭地四月丁卯赤氣見於山東光燭地有頃昏黑如夜移時漸復十二年十二月己卯夜西北方赤氣衝天長五丈許狀如矛鋒十三年二月甲午浙江

山陰縣湧泉如血十一月甲戌山西永和縣有紅雲狀如火自東南隕於西北繼自東北震聲如砲鳥獸皆驚

弘治二年八月甲辰西方生赤氣南北橫天

正德元年正月乙酉夜崇明縣空中有紅光曳尾如虹起東北至西南沒聲如雷辛丑鳳陽府紅光發與赤日同色聲亦如雷十二月庚午寧夏衛紅光夜發大二畝許隨散二年八月己亥赤光見於寧夏衛長五丈八年七月甲申龍泉縣有赤彈二自空隕於縣治形如鷲卵旋跳躍入民居相關久之

嘉靖二年四月真定無極縣有芒氣自西北來先紅  
後黑咫尺不辨人六年南京雨血十九年四月黃霧  
四塞俄變紫赤色忽暴風從西起坊柱皆折帝曰此  
異凡三見矣占曰兵喪西北邊防不可不慎三十三  
年四月戊子慈谿縣民家地忽湧血高尺餘三十七  
年五月戊辰東陽縣民張思齊家地裂五六處出血  
如線高尺許血凝犬就食之掘地無所見三十九年  
二月己未湖廣竹溪縣民家地出血四十年五月晦  
日赤虹二道自西北經東南亘天

隆慶二年四月萬全衛司空中有赤黑二雲相闕六

年正月庚申夜北方有赤氣如火之然閏二月癸酉  
遼東赤風揚塵蔽天

萬曆六年七月丁丑松門衛金鋪家地突湧血高三  
尺有聲十三年四月乙丑虹縣有王祿者投宿姚壘  
家見血出於地祿驚走至市市亦流血鄉人擊器物  
譟之乃止十九年六月庚戌慈谿縣茅家浦地湧血  
約有八處大如盆高尺許血凝缸缸即出血凝人足  
足亦出血數刻乃絕二十年三月初六日陝西黃氣  
蔽天變爲紅色二十六年九月甲辰蕭山縣賈九經  
家地溢血約高尺許

泰昌元年八月戊戌有赤氣映天如赭

天啓元年六月庚寅肇慶府居民王體積中庭地微折血水噴出如跑突泉其氣腥六年四月己亥東北方有赤雲名軍勝氣

崇禎元年三月辛巳昧爽陝西天赤如血射牕牖皆赤七年二月戊午海豐雨血八年八月戊寅宣城池中出血十二年黃州城南門流血五日又太倉岳王市地湧血十五年劔州民家有滴血汙其門城中數萬戶皆同

火異

成化二十一年正月申朔有火光自中天而少西  
墜於下化爲白氣復曲折上騰聲如雷

弘治元年五月清寧宮後夜有火如斗自下而上者  
再三年三月庚午四川儀隴縣有紅白火燄見於空  
中長三丈餘自縣治東北流至正東約六十餘里而  
墜聲震如雷六月壬午陝西靖魯衛大風天地昏暗  
忽紅光如火良久乃息七年八月辛酉大同府空中  
有火大如斗自東北俄入西南墜地有聲頃之化白  
氣良久散十年四月辛丑直隸阜平縣有火光長八  
九尺大如轆軸隱隱有聲來自東南至西南而墜十

二年十月庚寅夜鳳翔府西北有光如火聲似雷十  
五年八月己未高州府空中有火如流星風雨大作  
正德元年三月戊申夜太原府有火大如斗墜寧化  
王府殿前七月壬戌夜火光墜即墨縣民家化爲綠  
石形員高尺餘七年三月夜大風雷電餘干縣仙居  
寨見有光如箭墜旂竿上俄如燭龍光照四野士卒  
撼其旂飛上竿首旣而其火四散鎗首皆有光如星  
八年十二月丁酉越嵩衛有火輪見空中聲如雷十  
二年三月庚寅平陽府西北火光發有聲如雷鼓五  
月己亥夜火隕於都察院獄旋轉久之始滅六月壬

申夜火隕於南昌府光燄長丈餘饒州亦如之十五年六月癸未夜台州府火隕於空者三大如盤觸草木皆焦十一月庚午崇明沙千戶所有大火隕於海餘光如虹是日也崑山縣亦火光耀空聲若雷十六年六月思州府見天際有紅焰南飛

嘉靖五年七月甲申戌刻有火毬三大可五六尺餘從北墜於東其光燭天二十年七月丙戌火毬如斗隕左軍都督府中門左良久乃滅三十一年六月己卯海康瑞溪等縣有火光如毬自西南起升至中天隆慶二年鞏昌府有火光自天而隕五年十月丁未



亦如之

萬曆四年十一月甲午夜火隨星隕質明費縣城西  
北地色如硃即其所隕也長二里濶一二尺十四年  
保定府民間牆壁內忽出火三日夜方息十八年四  
月丙申宣府火光如斗墜有聲二十年三月初七日  
陝西空中有火如盆後生三尾隕於西北二十一年  
二月二十五日夜分大毛山樓上各獸吻俱有火如  
雞卵其光赤色即時雨雪火上嗟嗟有聲二十三年  
九月二十四日夜分永寧堡空中有火光形如屋大  
隕於西北涼州永昌鎮番寧遠所見略同二十四年

二月十一日夜鄆縣雷雨徧地火光十有餘里十八  
日夜舊安邊營佛郎機上火光二更方息二十五年  
二月癸卯平涼府瓦獸口內出火以水灌之不滅八  
月己卯太湖縣有火光丈餘不焚甲申肅州涼州火  
光在天形如車輪尾分三股約長三丈二十八年正  
月陝西真寧縣天北隕火形如碌礮長三尺餘光焰  
四照逾二時墜地八月二十二日夜太湖縣火光自  
天而降旋繞縣門三十三年五月丙申四川松潘有  
火光如金甌墜邊牆外四十八年春安嶽廟神口噴

火

天啓六年五月朔人或見厚載門火神廟紅毯滾出  
又前門城樓角有數千螢火併合如車輪

崇禎元年五月西安有火大如礮如斗色青燄高尺  
許如是者數十嘗入民居留數日乃去用羊豕禳之  
不爲害至七月而止九年泰山神廟神口吐火是年  
丹徒之野火光燭天十三年六月壬申鎮安縣有火  
光如斛自西墜地土木皆焦

明史卷四十

志十四

五行三 木

傳曰田獵不宿飲食不享出入不節奪農時及有姦謀則木不曲直又曰貌之不恭是謂不肅厥咎狂厥罰恒雨厥極惡時則有服妖時則有龜孽時則有雞旣時則有下體生上之病時則有青青青祥唯金沴木

五行家凡木妖木冰狂人霖雨大風雨甘露服妖龜孽雞禍鼠孽青青青祥皆屬之木今從其類  
木妖

洪武十五年五月丙子昌國縣有鐵力木長三丈五尺自海漂至時方督造海艘取以爲柁

永樂五年有大木數株不藉人力一夕出大谷達於江因賜其山名神木山

正統二年雲南普寧州塔墩有神樹先是永樂中大風被折軍人鋸爲板內有人像戴冠執簡容貌如畫土人立祠以祀之是年六月學正楊茂奏請加封號不聽

弘治八年三月辛卯廣寧右衛臺杆火起高五寸良久方滅杆如故是年湖廣長沙楓樹生李實黃連樹

生黃瓜九年三月長寧縣民家楠樹生蓮花李樹生  
豆莢

正德元年三月廣寧墩臺有火發於旗杆凡六二年  
五月庚午順聖川西城旗杆上有火光如碗俄雨  
作而滅五年五月壬戌瀋陽中衛城旗杆火自起良  
久乃已後八年十三年遼東各堡時有此異

嘉靖三十七年十月戊辰淮揚巡撫李遂言五河縣  
有大杉木圍一丈五尺長六丈餘湧出泗水沙中四  
十三年五月乙卯帝夜坐於庭忽御幄後獲一桃左  
右或見桃從空中墜帝喜曰天賜也明日復有一桃

降

隆慶二年正月初八日保寧堡城角旗杆有火灼灼  
聲響三月戊午夜延綏保寧堡旗杆有火光四月戊  
申又見於榆林常樂堡五年四月杭州府栗樹生桃  
六年閏二月癸酉遼東鎮有火光從旗杆出

萬曆二年五月丙子廣寧等堡墩臺杆夜各有火光  
嗣後三年二月十一年八月見永平各臺十二年二  
月見薊鎮十五年二月綏靖尤甚邊城各堡春獸旗  
杆俱出火光軍士執仗撲之仗亦生火三更乃息十  
七年十八年遼東鐵嶺諸處事皆同二十一年二月

大毛山樓臺上旗杆首有火大如酒杯五月丁卯祖陵大松樹孔中吐火竟日方滅二十三年八月沙蓋顯臺旗杆上紅光若火十二月癸亥皇陵樹巔火出延燒草木二十六年三月壬子錦州城上桅杆起火三十四年二月壬戌昏定陽和保定堡城樓鴟吻并旗杆上有火光如燈四散無烟焰旗杆亦不焦漏二十下方息三十五年四月丙辰曲陽縣北嶽廟樹自焚太原有槐亦自焚曲陽距太原七百里其火同日天啓元年五月二十六日韓城縣學古槐一株周圍丈餘火從空出自頂逮根遽成煨燼六年十月辛酉



南京西華門內有煙忽起不見火光禮臣往視乃舊宮材木瘞土中久煙自生土石皆焦以水沃之三日始滅

崇禎六年五月癸巳霍山縣有木龍飛墜不知所自來七年二月丁巳太康縣門牡自開者三知縣集邑紳議其事梁墜知縣死十五年蘄州樹杪火發自焚殆盡

木水

洪武四年正月戊申雨木水六年十二月乙丑雨木水十一年正月丁亥雨木水二十二年正月甲戌雨

木冰

正統三年十月丁丑曉木介至辰漸消

天順七年十月甲辰雨水冰八年正月乙丑雨水冰  
成化十六年正月辛卯曉刻雨水冰二十三年十二  
月戊辰曉刻木介

隆慶三年十一月癸巳京師木冰

萬曆十四年冬蘇松二府木冰

崇禎元年十一月陝西木冰樹枝盡折其後大河以  
北歲有此異

狂人

正統三年六月辛酉有僧常因旱積薪欲自焚以祈  
雨火舉而走既獲之發龍門充軍至是晚歸得一銅  
印以獻輒大呼謂所獻乃紫金印復有金鎖甲在泰  
山之巔法司論當斬帝以其狂釋佛問九年山西柴  
夫王渙狂走入長安右門哭且笑者三十三年江西  
南城縣人龔謙多妖術能誘婦人自稱張神仙法孫  
十四年宣府亡卒孟普原自言嘗夢玉帝釋迦佛謂  
已乃紫薇星當爲帝滅也先此狂人也

景泰三年五月癸巳朔以明日立太子具香亭於奉  
天門有一人自外徑入執紅棍擊香亭曰先打東方

甲乙米

弘治元年三月庚寅晚有狂夫不知所從來至長安右門下發言悖慢叩鐸大呼良久遁去

嘉靖十八年駕將南幸有軍人孫堂由西關門入至午門從御路中橋至奉天門下登金臺坐久而守門官役莫有知者升堂大呼覺而捕之乃病狂者

天啓元年二月乙卯朝畢有妄男子張道安詭充較尉從西班狂呼走出命收治

恒雨

洪武十三年六月壬午閬縣烈風大雨發屋人有壓

死者七月乙未海康縣大雨壞縣治九月癸丑南靖  
縣颶風大雨折木發屋十二月己巳廣州大風雨二  
十年閏六月癸丑大風雨二十三年四月淫雨自戊  
寅至戊子日不止十一月青兗登萊濟五府二十九  
州縣久雨傷麥及稼二十五年八月戊午杭州府大  
風雨

建文元年三月乙卯燕王營於蘇家橋是夜大雨平  
地水深三尺

永樂元年三月蘇州府霖潦傷稼七月建寧衛霖潦  
壞城垣二年六月三河順義東安香河等縣霖雨傷

稼七月新安衛霖雨壞城垣三年六月宣城等縣霖  
潦沒屯倉四年閏七月靜海縣淫雨傷稼八月霖雨  
壞北京城五千餘丈五年八月真定永平等府淫雨  
傷稼六年七月思明府淫雨壞城垣房舍漂流人畜  
七年八月遂平縣雨水傷稼九月浙江松門海門昌  
國台州四衛楚門等所颶風驟雨壞城漂流房舍八  
年七月浙江金鄉衛颶風驟雨壞城垣公廨九年七  
月浙江烏程等縣淫雨沒田九月遂溪海康颶風暴  
雨田廬沒民溺死十二年七月滄州通州固安縣淫  
雨九月密雲後衛霖雨壞城十三年八月淫雨十四

年六月北京薊州遵化玉田通州漷縣山東濟南商  
河南直徐沛諸州縣雨傷稼七月霑化縣暴雨傷田  
稼永平府久雨壞田禾廬舍二十年春正月信豐縣  
雨水壞城翟塘衛如之六月卽耶成安肥鄉無極藁  
城濟魏襄城八縣淫雨傷稼七月應天濟南開封大  
名諸府及遼東等衛並淫雨二十一年二月六安衛  
淫雨壞城是歲建昌守禦所淮安懷來等衛皆霖雨  
壞城二十二年二月壽州衛雨水壞城三月贛州振  
武二衛雨水壞城四月霖雨壞密雲及薊州城六月  
通州及漷縣香河武清諸邑淫雨傷稼九月鳳陽五

河等縣雨水沒田稼是歲登萊諸郡雨水傷麥

洪熙元年夏蘇松嘉湖四府及北直保定完縣山西  
遼州樂平介休遼東寧夏等衛積雨傷稼七月淫雨  
沒烏程歸安長興田閏七月京師大雨壞正陽齊化  
順城等門城垣九月密雲中衛城以雨潦傾圮是年  
宣城萊陽及南昌建昌宜黃臨川並苦雨歲不登

宣德元年五月永嘉樂清二縣颶風急雨壞公私廨宇  
及壇廟三年五月龍陽武陵吳江常熟華亭五縣霖  
雨不止淹沒田禾九月順天府漵縣霖雨淹沒禾稼  
六年六月温州府颶風大作壞公廨祠廟倉庫城垣



開平衛亦大霖雨七年夏直隸宜興浙江嘉善烏程  
歸安德清長興武康七縣淫雨殺稼九年五月薊霸  
二州武清永清東安固安曲周廣平鉅鹿元氏雄九  
縣大霖雨傷田苗六月房山玉田任縣廣宗靜海等  
縣苦雨傷稼

正統元年七月順天山東河南廣東淫雨爲災傷害  
稼穡二年五月清河縣霖雨壞麥四年夏居庸關及  
定州衛霖雨壞城蘇松常三府尤甚自八月至明年  
五月漂沒田廬人多溺死五年二月乙未南京大風  
雨壞北上門脊覆官民舟溺死者甚衆是歲北畿及

金華衢州兗州霖雨連月南昌饒州九江南康開封  
彰德更九旬不止六年六月利津縣淫雨淹田七年  
濟南青州萊州五月至六月淫雨傷稼淮鳳及徐州  
亦如之八年高苑博興齊東三縣自春徂夏雨不止  
九年七月廣德州大雨田禾俱淹閏七月野狐嶺等  
處霖雨壞城及濠塹墩臺十年三月洪洞縣霖雨汾  
水隄決移置普潤驛以遠其害七月延安衛久雨壞  
護城河隄是歲廣東潮州府河南陽武縣俱大霖雨  
漂房舍人畜十一年春江西贛州等七府十六縣淫  
雨田禾淹沒六月瑞金縣淫雨市水深丈餘漂倉庫

溺死者二百餘人十三年四月雨水壞順天古北口  
邊倉五月鳳陽徽州霖雨至於六月傷稼九月寧都  
縣大雨壞城郭廬舍溺死甚衆是秋解州久雨敗稼  
景泰三年北直永平山東兗州及浙江嘉興縣久雨  
傷禾并壞大嵩等二十衛所城四年直隸之鳳陽淮  
安徐州河南之開封衛輝汝寧南陽歸德山東之兗  
青萊諸府自五月至於八月霖雨殺稼五年杭嘉湖  
三府大雨傷苗六旬不止七月京師霖雨九門城垣  
壞者甚衆六年真定永平河間廣平大名河南開封  
衛輝雲南大理諸府所在淫雨傷禾七年兩直隸江

西河南浙江山東山西湖廣共府三十恒雨渰田  
天順元年濟南兗州青州大雨閏月禾盡沒三年直  
隸山東河南陝州各奏屬州縣衛五六月中驟雨傷  
稼四年五月安慶南陽二府雨至於七月渰禾苗五  
年六月南北直隸山東府九衛五所二暴雨七年五  
月淮鳳揚徐等府州大雨腐二麥又武昌漢陽荊州  
所在霖雨廬舍漂沒民皆依山露宿

成化元年通州大雨壞城及運倉二年定州積雨壞  
城垣墩臺埽口計一百七十三八年七月南京大風  
雨壞天地壇孝陵廟宇中都皇陵垣牆九年三月乙

己大風雨拔南京太廟社稷壇樹十三年七月京城  
大霖雨十四年八月戊午鳳陽大雨沒城內民居以  
千計十七年七月乙酉南京大風雨社稷壇及太廟  
殿宇皆摧十九年六月福州府大風雨壞民居二十  
一年閏四月壬辰開州清豐及金鄉濮州同日大風  
雨雷電交作仆屋拔木

弘治元年三月丙寅雨不止二月四月庚子南京大  
風雨三年七月壬子昏刻南京驟雨壞午門西城垣  
四年八月乙卯南京大風雨七年七月庚寅南京火  
風雨壞殿宇城樓吻獸拔太廟天地社稷壇及孝陵

樹自五月至八月義州等衛連雨害稼八年二月壬申浙江永嘉縣狂風暴雨五月南京陰雨踰月壤朝陽門北城堵九月甲午廣東潮州等府颶風暴雨壤城垣廬舍溺死人畜十年七月安陸州雨不止壤城郭廬舍殆盡十一年七月己未宣府長安嶺暴風雨壤城及廬舍十四年六月辛巳遼東義錦二州及廣寧等處自是日至十二日大雨如注壤城垣墩堡倉庫橋梁民多壓死者閏七月庚辰福州府大風雨十五年六月辛卯朔南京颶風雨孝陵神宮監及懿文陵樹木橋梁墻垣多摧拔者七月辛未朔南京又大

風雨與六月同十六年五月辛卯榆林大風雨折木  
撤城樓瓦毀子城垣移垣洞於其南五十步六月丙  
午莒州并日照等縣淫雨傷禾十八年三月雙山堡  
大雷雨壞城漂民居六月京畿連雨至於八月  
正德元年七月鳳陽等府大雨如注平地水深丈有  
五尺沒民居五百餘家二年七月辛亥武平縣大風  
雨毀城樓及官民房屋戊辰長泰南靖二縣大風雨  
連三日夜平地水深二丈十年四月壬子南通州大  
風雨十二年南京恒雨蘇松常鎮嘉湖等府大雨殺  
麥及禾十三年應天蘇松常鎮揚五府大雨彌月漂

沒室廬人畜不可勝計十六年京師久雨傷稼莊浪  
衛秋雨潦

嘉靖元年七月乙丑夜南京大風雨四年六月登州  
府大雨壞城十一年五月己巳淮安府大風雷雨撤  
屋覆舟傷人二十三年六月京師淫雨不止十六年  
京師雨自夏及秋間止不過一二日二十五年七月  
戊午京師淫雨八月又大雨壞九門城垣通州武清  
等州縣十淫雨傷禾三十三年六月京師大雨平地  
水數尺四十五年九月鄖陽等處大淫雨累晝夜不  
止平地水丈餘壞城垣漂廬舍人民溺死無算



隆慶元年夏京師霖雨遼東鎮自五月至七月霖雨不止四年四月癸卯大埔縣暴雨如注田間陂塘衝溢成川民有溺死者

萬曆二年九月兗州沂州郯城濟南濱州霑化等縣大雨彌旬五年八月甲戌京師大雨九年八月丁未泰興如臯大雨如注決塘圩陂埂殆盡死者不可數計十二年正月乙巳喜峰口大風驟雨壞各墩臺十四年七月戊申舒城縣大雷雨蛟起百五十餘跡如神斧劈成山崩田陷人民溺死無算十五年五月蘇松諸府雨至於七月禾麥花豆俱傷十九年夏秋三

吳大雨至有村落盡洗不留一家一人者二十一年  
七月丙子霍山霍丘二縣大雨害稼二十四年抗嘉  
湖三府淫雨傷苗二十八年七月興化莆田等縣大  
雨如注數日夜不止城垣橋梁堤岸傾圯殆盡連江  
福安二縣亦如之二十九年自春徂夏蘇松嘉湖四  
府淫雨傷麥九月思南府及婁川縣大雨三十年六  
月京師淫雨壞廬舍三十二年七月京師淫雨城崩  
三十三年五月丙申鳳陽府大風雨推損皇陵正殿  
御座三十九年廣西積雨五閏月四十一年八月京  
師淫雨青州府大風雨拔木壞城四十二年浙江淫

雨爲災四十四年秋廣東南韶久雨敗禾  
泰昌元年十月淮安府大雨平地成巨浸

天啓六年閏六月大雨連旬壞天壽山神路都城橋  
梁是歲遼東淫雨山海關內外城垣同時圯軍民被  
傷者甚衆七年山東歷城等州縣二十有八積雨傷  
禾

崇禎元年正月癸亥朔永年縣大風雨五年六月大  
霖雨八月又雨衝損慶陵九月順天府奏武清保定  
等縣共二十有七淫雨害稼十一年夏雨決旬摧圯  
南山邊垣七月甲申宣府乾石河山場驟雨怪風十

二年七月癸未密雲縣大雨竟日勢若傾盆十二月  
浙西淫雨所陌成巨没十三年四月至七月寧池諸  
郡淫雨如注田半爲壑十五年十月黃蘄德安諸郡  
縣淫雨

甘露

洪武二年十月甲戌甘露降于鍾山羣臣稱賀八年  
十一月甲戌南郊甘露降百官獻歌詩以頌德十四  
年十二月甘露復降於鍾山

永樂四年十一月己巳甘露降孝陵松栢十七年九  
月孝陵松栢自丁巳至己未凡三日皆甘露降十八

年十月癸亥甘露復降於孝陵松栢

天順四年三月甲辰甘露降太原府學大成殿前松  
樹

成化六年正月天地壇外松栢樹葉自庚辰至己丑  
有甘露降凝如脂味如飴

嘉靖七年元日甘露降於長泰龍谿等縣九年十二  
月己卯甘露降於顯陵十年八月陝西總制王瓊都  
督劉文進奏甘露降於固原採取以獻十七年三月  
辛巳福建巡按李元陽進龍谿縣甘露九罌四十二  
年十一月丁酉甘露降于顯陵松樹四十二年正月

丁酉復如之

天啓六年四月癸巳白露著樹如垂緜至日中不散  
服妖

建文三年二月己酉燕王所御紅絨袍忽見白花如  
雪色疑爲龍鱗鬣皆具美如刺繡

弘治十四年六月丁酉僉都御史林俊言南京蘇杭  
等局織造幣帛傷於巧細古人謂之服妖費財勞人  
亦足致災

正德元年婦女多用珠結蓋頭謬稱纓絡十三年正  
月車駕還京令朝臣用曳撒大帽驚帶給事中朱鳴

陽等謂曳撒大帽止用於行役而非見君之服十五年十二月帝平宸濠還京俘諸從逆者陳輦道東西以白幟標姓名於首死者懸首於竿亦標以白幟凡數里不絕彌望皆白是時帝已不豫見者識其不祥崇禎時朝臣好以紗縠竹箴爲帶取其便易論者謂金銀重而貴紗箴賤而輕殆賤將乘貴也又李建泰出師帝餞於正陽門建泰拜謝印綬花忽怒張如斗又冬日朝詔百官戴貂暖耳陳啓以布爲之示貧也非以臣事君之禮時北方小民製幘低側其簷自掩眉目名曰不認親其後寇亂民散途遇親戚有飲泣

不敢言有掉臂去之者京師女子宴會出遊好賃蟒服於質庫乘車去第不避呵殿視其衣交龍燦然誤以爲命婦云一孝廉裳衣短衣不蔽膝巾紫色而朱帶雙垂自首以屬於腰一公子跛而陋好施粉黛弓其足爲婦人裝畫必寢其見客常以夜昏服妖也

### 龜孽

太祖親帥舟師伐陳友諒泊牛渚磯急流中有龜蛇旋繞柁後者竟日衆以爲神時辛丑八月辛卯也嘉靖三十九年八月戊戌督臣胡宗憲獻白龜二帝悅名曰玉龜四十一年二月庚辰方士藍道行獻瑞



龜四月癸酉陝西鄠縣散官王金進五色龜是年御  
院龜生卵者五

雞

弘治十四年華容縣民劉福家雞生雛三足十七年  
六月丁亥崇明縣民顧孟文家雌雞伏卵所出者猴  
頭而人形身長四寸有尾無聲

嘉靖四年長垣縣民王憲家鷄抱卵內成人形耳目  
口鼻四肢皆具

萬曆二十二年六月丁巳靖邊營軍人家雌雞化爲  
雄

崇禎九年十月朔淮安新城東門民家乳雞振羽啼  
躍而化爲雉十年京師宣武門外民家白雞羽毛鮮  
好喙距純赤重四十觔人或見之愀然曰此鷩也所  
見之處國亡十四年太倉衛指揮姜周輔家雞伏子  
兩頭四翼八足

### 鼠既

正德初黃州師巫竄均在飛喪嵯見一鼠盤旋道上  
忽入地穴其下得一鈕銅印上篆扶蠻王印四字用  
署符咒能呼風雷

嘉靖中臨江李鏊授徙湖口居一樓偶出外以冠者

攝其事夜分忽見有貌甚偉惡者戴金幘頭絳袍象  
簡髯垂至腹意神也次日鑿歸言其狀後復至吹鑿  
左耳耳即聾鑿舉挺力擊中其胸逋去遲明踪跡至  
北廡大穴中一鼠如斗赤色髯長尺餘已死矣曾有  
凝血

萬曆四十四年七月常鎮淮揚諸郡土鼠千萬成群  
夜啣尾渡江往南絡繹不絕幾一月方止四十五年  
五月南京有鼠萬餘啣尾渡江入田食禾稼

天啓三年十一月甲戌陝西鳳翔縣大鼠有肉翅飛  
而害稼剖其腹貯黍粟一升

崇禎七年寧夏鼠害稼啣尾食苗十餘萬十二年黃  
州鼠食禾渡江五六日不絕又內殿奏章房多鼠盜  
食與人相觸而不畏至十七年元旦後鼠忽屏跡秦  
州關山中鼠化爲鵲鵲者以數千計十五年二月羣  
鼠渡江晝夜不絕金縣田鼠食禾苗隴西縣田鼠傷  
麥穗十月榆林定邊諸堡田鼠爲災鼠生蝦蟆腹中  
一生數十食苗如割十七年正月涼洮鼠妖

青青青祥

洪武八年四月甲寅欽天監言日上有青氣在趙分  
恒山之北

宣德元年八月癸酉昏刻中天有青氣三長如疋練  
東南行戊寅昏刻有青雲狀如杵辛巳東南有青氣  
狀如人叉手揖拜

弘治十年七月丙寅太原衛樓脊獸吻出青白烟高  
二尺

萬曆二十九年昭應寺藏經閣大小瓦獸口吐青氣